## The polis car.

If you see a police car in full-blown screaming-horror mode, don't assume that there's necessarily a real emergency.

Oh help! Here comes a polis car! A sicht yer bluid tae freeze! A pulsin flashin rocket-ship Wi aw its lichts ableeze.

The screamin o the siren Is enough tae stop yer hert; Howlin like a banshee Or a nuclear alert.

Squealin roond the corner Through the dubs, wi glaur tae shower ye. If ye're no quick off the mark I'm shair they'll juist drive ower ye.

There must be some emergency, Or a killer on the run. Away! No bluidy likely! They're juist daein it for fun.